

Broj:03-144-6.2/25
Sarajevo, 03.04.2025. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), člana 111. Statuta Univerziteta u Sarajevu od 26.07.2023. godine, Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i na osnovu prijedloga Koordinatora Interdisciplinarnog studija Konzervacija i restauracija, Vijeće Univerziteta u Sarajevu – Akademije likovnih umjetnosti je na 50. redovnoj sjednici održanoj 03.04.2025. godine donijelo

ODLUKU

o kriterijima i mjerilima za rangiranje kandidata za upis kandidata u prvu godinu II (drugog) ciklusa
Interdisciplinarnog studija Konzervacija i restauracija
koji se realizira u saradnji Akademije likovnih umjetnosti, Prirodno – matematičkog fakulteta i
Arhitektonskog fakulteta Univerziteta u Sarajevu u akademskoj 2025./2026. godini

I

Pravo učešća na Konkursu, pod jednakim uslovima, imaju državljani Bosne i Hercegovine i strani državljani sa završenim:

- a) prvim ciklusom Interdisciplinarnog studija Konzervacija i restauracija (ALU i PMF)
- b) prvim ciklusom studija sa najmanje 180 ECTS na srodnom fakultetu, kao i kandidati koji su završili studij po predbolonjskim nastavnim planovima i programima u Bosni i Hercegovini, a za koje je nakon postupka ekvivalencije zvanja utvrđeno da ispunjavaju uvjete za upis, odnosno kandidati koji su završili predbolonjski studij izvan Bosne i Hercegovine, a za koje je nakon postupka priznavanja odnosno ekvivalencije/nostrifikacije utvrđeno da imaju završeno adekvatno obrazovanje za nastavak školovanja.

Preklapanje nastavnog plana i programa po kojem je završen studij kandidata iz stava b) sa nastavnim planom i programom prvog ciklusa Interdisciplinarnog studija Konzervacija i restauracija iznosi minimalno 20 %, u pogledu položenih ili ekvivalentnih predmeta.

II

Rangiranje kandidata vrši se u zavisnosti od općeg uspjeha ostvarenog na I ciklusu studija ili VII stepenu predbolonjskog nastavnog plana i programa.

III

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Akademije (pod šifrom koju su kandidati dobili prilikom registracije) nakon što je verificira Komisija, na datum utvrđen Konkursom.

IV

Na preliminarnu rang-listu kandidati imaju pravo prigovora u roku od dva dana od dana objave iste, o kojoj su Vijeća Akademije likovnih umjetnosti, Prirodno – matematičkog fakulteta i Arhitektonskog fakulteta obavezni donijeti odluku u roku od jednog dana. Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori u statusu za koji konkurišu.

V

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Akademije u skladu sa datumima utvrđenim ovim Konkursom.

VI

U roku od 5 radnih dana od dana objave konačne rang liste, kandidat koji je ostvario pravo na upis je obavezan dostaviti originale dokumenata koje je postavio na web stranici i izvršiti upis; u suprotnom, smatra se da je odustao od upisa na studijski program za koji je aplicirao.

VII

Konkursom za upis studenata u prvu godinu studija na Univerzitetu u Sarajevu u akademskoj 2025./2026. godini će biti detaljnije raspisani prijavnji rokovi, opće odredbe odluke o kriterijima i mjerilima za utvrđivanje redoslijeda prijema kandidata za upis u prvu godinu studija, dokumenti potrebni za online prijavu na konkurs, kriteriji i mjerila za bodovanje kao i upis kandidata.

VII

Ova odluka stupa na snagu danom donošenja.

D e k a n

s.r. Prof. dr. Dubravka Pozderac – Lejlić

Dostaviti:

- *Prirodno – matematički fakultet*
- *Arhitektonski fakultet*
- *web stranica ALU*
- *Sekretarka ALU*
- *Služba za nastavu i studentska pitanja*

Broj:03-144-6.2-1/25
Sarajevo, 03.04.2025. godine

Predmet: Stručno mišljenje

Na osnovu člana 127. Statuta Univerziteta u Sarajevu od 26.07.2023. godine mišljenja sam da predmetna odluka, sačinjena na osnovu prijedloga odsjeka ALU, nije u suprotnosti sa zakonskim i podzakonskim propisima.

Vijeće članice nadležno je za usvajanje predmetne odluke u skladu sa članom 69. Zakona o visokom obrazovanju („Službene novine Kantona Sarajevo“, broj: 36/22).

Sekretar

s.r. Elma Đozo, dipl. pravnik